



Inatsisartunut ilaasortaq Bentiaraq Ottosen, Atassut
Inatsisartut Allattoqarfiat
/-Maani

Suliffeqarfiit Namminersorlutik Oqartussanit pigineqartut aammalu inuussutissarsiutinik ineriartortitsineq pillugit § 37 naapertorlugu apeqqummut nr. 2018/108-mut akissut.

17-07-2018
Sags nr. 2018 - 3545
Dok. nr. 8140314

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Bentiaraq Ottosen,

Suliffeqarfiit Namminersorlutik Oqartussanit pigineqartut allatullu inuussutissarsiornermi siuarsaneq pillugit Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutigisatit uannit akisassanngortinneqarsimapput.

Suliffeqarfiit Namminersorlutik Oqartussanit pigineqartut pillugit apeqqummut akissuteqaatinni aktiaatileqatigiiffiit Namminersorlutik Oqartussanit pigineqartut eqqartussavakka. Aktiaatileqatigiiffiit Namminersorlutik Oqartussanit pigineqartut taakkulu inissisimaffii pillugit ataatsimut oqaatigisinnaavara maanna aktiaatileqatigiiffiit allamut nuunnissaannut pilersaaruteqanngimmat. Aktiaatileqatigiiffiup angerlarsimaffia ingerlatseqatigiiffiup ileqqoreqqusaani aalajangersagaarpoq. Ingerlatseqatigiimmi ingerlatat allat ingerlatseqatigiiffimmit aaq-qissuunneqartarput.

Apeqqutigineqartunut tunngatillugu imaattunik akissuteqassaanga:

1. Namminersorlutik Oqartussat suliffeqarfiutaasa nunatta sineriaanut siammarterneqarnissaat qanoq isumaqarfigaassiuk?

Akissut:

Oqaatigeriikkattut maanna aktiaatileqatigiiffiit Namminersorlutik Oqartussanit pigineqartut nuunneqarnissaat pillugit pilersaaruteqartoqanngilaq. Tamatumani oqaatigineqassaaq ingerlatseqatigiiffiit manna inissisimanagerat eqqarsaatigalugu siamasissumik inissisimareermata. INI A/S aammalu KNI A/S Sisimiuni qullersaqarfeqarput, Great Greenland A/S Qaqortumi qullersaqarfeqarpoq. Tamatumani saniatigut ingerlatseqatigiiffiit arlallit illoqarfiit angerlarsimaffigisatik avataani ingerlatseqatigiiffinni aqutaminni suliffeqarfinnilu annertuunik ingerlataqarput.

2. Pilersaarusiatic eqqarsaatigalugit NI-Nuuk Qaqortumut nuunneqarnissaa sumut killippa?

Akissut:

Apeqqummut akissutitut ilisimatitsissutigissavara, Naalakkersuisut nutaat illoqarfinnut allanut nussuinissamut pilersaarutit pillugit maannamut eqqartuinissaminnut periarfissaqarsimangimmata. Kissaatigaaralu tamakku pillugit Naalakkersuisut nutaat eqqartuinissaminnut periarfissinneqaqqaassasut, nussuinissamut pilersaarutit pillugit qanorpiaq aaliangiisoqavinnissaa pitinnagu.

3. Sumiiffinni ataasiakkaani nunap immikkoortuini inuusutissarsiorneq eqqarsaatigalugu Savaateqarnermut, Nunaateqarnermullu pisortaqarfik kujataanut nuunneqarnissaa sumut killippa?

Akissut:

Akissutitut apeqqut 2-mut akissutigineqartoq innersuunneqarpoq.

4. Sumiiffinni suliffissaqartitsineruleneq, suliffissanillu orniginarsaalluni pilersaarusionerq qanoq ingerlava?

Akissut:

§ 37 naapertorlugu apeqqummut uunga Aatsitassanut, Suliffeqarnermut, Nuna-
mut Namminermt Nunanilu Avannarlerni suleqatigiinnermt Naalakkersuisoq
akissuteqartinneqarpoq, imalu akissuteqarpoq:

*Naalakkersuisut nalinginnaasumik paasinninnerat malillugu suliffeqarnermt
tunngatillugu suliffeqarnermi peqataasut, ilaatigut suliffinnik pilersitsinermi,
sapinngisamik namminneq aaqqiisassapput. Taamaammat Naalakkersuisut su-
miiffinni aalajangersimasuni suliffinnik pilersitsinissamik pilersaaruteqanngillat.
Ingerlatseqatigiiffiit Namminersorlutik Oqartussanit pigineqartut suliffeqarfinni
allani namminersortuni atugassarisat assigalugit ingerlanneqarput, taamaak-
kaluartoq sumiiffinni aalajangersimasuni suliniutit kiffartuussinissamik isuma-
qatigiissutinut tunngasut atuussinnaapput.*

*Suliffeqarnermt tunngatillugu Naalakkersuisut killissaliussanik aalajangiisar-
poq, matumani piginnaanngorsaaqqinnissamut ilinniaqqinnissamullu suliniutit
sulisinnaasunik pilerinarsaaqataasinnaapput tamannalu aqqutigalugu suliffiit
pilerinarnerulersinneqarlutik. Tamatuma saniatigut innuttaasut sulinermt ata-
tillugu ataavartumik imaluunniit ukiup ilaani suliaasartut pissutigalugit allamut
nuuppata nuttarnermt tapiissutinik qinnuteqarsinnaapput. Naalakkersuisut su-
liffissarsiornermi nittartakkatigut isertarfiat, www.suli.gl, nuna tamakkerlugu*

su-lisut sulisitsisullu akornanni attaveqarnermik pilersitsinermut sakkussaalluarpoq.

5. Apeqput 1-imi apeqputigineqartut qanoq pilersarusiorneqarpat?

Akissut:

Akissutitut apeqput 1-mut akissutigineqartoq innersuunneqarpoq.

Apeqputinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen